

Broj: UV-01-01-01-1-384-12/19
Sarajevo, 2.7.2019.g.

Na temelju članka 65. alineja 2. Zakona o zdravstvenoj zaštiti („Službene novine Federacije BiH“, broj 46/10 i 75/13), te članka 33. alineja 15. Statuta Zavoda za javno zdravstvo Federacije BiH („Službene novine Federacije BiH“, broj 5/14), sukladno Odluci Upravnog vijeća Zavoda za javno zdravstvo Federacije BiH, broj: UV-01-01-01-1-384-11/19 od 2.7.2019. godine, Zavod za javno zdravstvo Federacije BiH, raspisuje

JAVNI OGLAS
ZA IZBOR I IMENOVANJE RAVNATELJA
ZAVODA ZA JAVNO ZDRAVSTVO FEDERACIJE BIH

I. Predmet javnog oglasa

Objavljuje se javni oglas za izbor i imenovanje ravnatelja Zavoda za javno zdravstvo Federacije BiH.

II. Opis pozicije

U skladu odredbama članka 44. Statuta Zavoda za javno zdravstvo Federacije BiH („Službene novine Federacije BiH“, broj 5/14), ravnatelj obavlja sljedeće poslove i zadatke:

- organizira i rukovodi radom Zavoda,
- organizira i vodi stručni rad Zavoda u suradnji sa Stručnim vijećem,
- predstavlja i zastupa Zavod suglasno ovlastima iz ovoga Statuta,
- predlaže unutarnju organizaciju i sistematizaciju Zavoda u suradnji sa Stručnim vijećem i uz sudjelovanje Upravnog vijeća Zavoda,
- stara se o izvršavanju odluka Upravnog vijeća Zavoda,
- obustavlja od izvršenja odluke stručnih tijela ukoliko ocijeni da su neusuglašene sa Ustavom ili u suprotnosti sa Zakonom i drugim propisom ili bi izvršenje tih odluka moglo izazvati štetne posljedice po Zavod, o čemu je dužan odmah obavijestiti Upravno vijeće i Nadzorno vijeće Zavoda, kao i donositelja akta, te Federalno ministarstvo zdravstva,
- predlaže osnove plana rada i razvoja,
- stara se o primjeni finansijskih propisa u poslovanju Zavoda i naredbodavac je za izvršenje finansijskog plana,
- odgovara Upravnom vijeću Zavoda za rezultate rada i finansijsko poslovanje Zavoda,
- podnosi Upravnom vijeću Zavoda jednom tromjesečno pismeno izvješće o cjelokupnom poslovanju, odnosno rezultatima rada i finansijskog poslovanja, te poduzima mjere za uspješno poslovanje, unapređenje organizacije i procesa rada,
- sudjeluje u radu Upravnog i Nadzornog vijeća Zavoda, bez prava odlučivanja,
- pokreće postupak donošenja i usuglašavanja općih akata Zavoda, te daje prijedloge istih prema Upravnom vijeću Zavoda,



- odlučuje o potrebi prijema radnika, suglasno finansijskim mogućnostima Zavoda, zaključuje ugovore o radu, vrši raspoređivanje radnika na radna mjesta u skladu sa Pravilnikom o unutarnjoj organizaciji i sistematizaciji radnih mjesta Zavoda, odlučuje o prestanku i otkazu ugovora o radu,
- odlučuje u prvom stupnju o pravima i obvezama radnika iz rada i u vezi sa radom, a suglasno Zakonu o radu, kolektivnom ugovoru, statutu i drugim općim aktima Zavoda,
- određuje i izriče sankcije za teže i lakše povrede radnih obveza,
- izdaje naloge i upute za rad pojedinih organizacijskih jedinica, radnika ili grupe radnika, a radi izvršenja određenih poslova,
- po potrebi obrazuje komisije, radne i stručne grupe i druga radna i savjetodavna tijela radi razrade određenih pitanja, izrade studija, analiza, prijedloga, stručnih mišljenja i sl.,
- donosi odluku po prigovoru pacijenta koji smatra da su mu povrijeđena prava vezana za ostvarivanje zdravstvene zaštite, odnosno kada pacijent nije zadovoljan pruženom zdravstvenom uslugom, odnosno postupkom zdravstvenog ili drugog radnika zdravstvene ustanove,
- provodi opće akte koji po svom sadržaju spadaju u nadležnost ravnatelja Zavoda,
- obavlja i ostale poslove utvrđene Zakonom, ovim statutom i drugim propisima.

III. Mandat

Mandat ravnatelja traje 4 (četiri) godine.

Po isteku mandata ista osoba može, na temelju javnog oglasa, ponovo biti imenovana za ravnatelja Zavoda za javno zdravstvo Federacije BiH, ali najviše za još jedan mandatni period.

IV. Uvjeti za kandidate

A) Opći uvjeti:

- da je stariji od 18 godina,
- da je državljanin Bosne i Hercegovine,
- da se na njega ne odnosi član IX.1. Ustava Bosne i Hercegovine,
- da nije na funkciji u političkoj stranci,
- da nema privatni-finansijski interes u Zavodu za javno zdravstvo Federacije BiH

B) Posebni uvjeti:

Pored općih uvjeta iz točke IV. A), kandidati trebaju ispunjavati i posebne uvjete propisane člankom 66. stavak (6) Zakona o zdravstvenoj zaštiti („Službene novine Federacije BiH“, broj 46/10 i 75/13), čl. 2. i 5. Pravilnika o uvjetima u pogledu vrste završenog fakulteta zdravstvenog usmjerenja koje moraju ispuniti osobe koje konkuriraju za ravnatelja zdravstvene ustanove („Službene novine Federacije BiH“, broj 77/17), te člankom 40. Statuta Zavoda za javno zdravstvo Federacije BiH („Službene novine Federacije BiH“, broj 5/14), i to:



- VSS-završen medicinski fakultet,
- završena specijalizacija iz oblasti epidemiologije ili socijalne medicine i organizacije sa ekonomikom zdravstva ili zdravstvene ekologije i higijene,
- 5 (pet) godina radnog iskustva u struci,
- znanje o zdravstvenom menadžmentu koje dokazuje certifikatom o obavljenoj edukaciji iz zdravstvenog menadžmenta, i to sve tri razine edukacije, u skladu sa propisima o kontinuiranoj profesionalnoj edukaciji iz zdravstvenog menadžmenta, odnosno završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta,
- da nije angažiran na drugoj poziciji koja može utjecati na eventualni sukob interesa,
- da ne postoji koja druga zakonska zabrana za imenovanje na funkciju ravnatelja.

V. Potrebni dokumenti

Uz prijavu na javni oglas, sa kontakt podacima za slanje obavijesti, kandidati su dužni dostaviti dokaze o ispunjavanju općih i posebnih uvjeta iz točke IV. A) i B) ovog oglasa.

Dokazi o ispunjavanju općih uvjeta iz tačke IV A):

- uvjerenje o državljanstvu,
- ovjerena izjava da se na njega ne odnosi član IX.1. Ustava Bosne i Hercegovine,
- ovjerena izjava da nije na funkciji u političkoj stranci,
- ovjerena izjava da nema privatni-finansijski interes u Zavodu za javno zdravstvo Federacije BiH.

Dokazi o ispunjavanju posebnih uslova iz tačke IV B):

- diploma Medicinskog fakulteta,
- uvjerenje o položenom specijalističkom ispitu iz epidemiologije/socijalne medicine sa organizacijom zdravstvene zaštite/zdravstvene ekologije i higijene,
- potvrda o radnom iskustvu u struci od najmanje 5 (pet) godina nakon položenog specijalističkog ispita iz navedenih specijalizacija,
- dokaz o posjedovanju znanja iz zdravstvenog menadžmenta: certifikat o obavljenoj edukaciji iz zdravstvenog menadžmenta, za sve tri razine edukacije, u skladu sa Pravilnikom o kontinuiranoj profesionalnoj edukaciji iz zdravstvenog menadžmenta („Službene novine Federacije BiH“, br. 88/11, 82/13, 75/15 i 77/17), odnosno završena specijalizacija iz zdravstvenog menadžmenta. Edukacije iz zdravstvenog menadžmenta i specijalizacija iz zdravstvenog menadžmenta koji su završeni u inostranstvu moraju biti nostrificirani od strane Federalnog ministarstva zdravstva u skladu sa Zakonom o zdravstvenoj zaštiti, kao i propisima donesenim na osnovu tog zakona, a završen postdiplomski studij iz zdravstvenog menadžmenta u inostranstvu mora biti nostrificiran od strane nadležnog tijela u smislu propisa o visokom obrazovanju,
- ovjerena izjava da nije angažiran na drugoj poziciji koja može utjecati na eventualni sukob interesa,
- ovjerena izjava da ne postoji koja druga zakonska zabrana za imenovanje na funkciju ravnatelja.



Uz dokaze o ispunjavanju općih i posebnih uvjeta iz tačke IV. A) i B), koji se mogu dostaviti u originalu ili ovjerenoj kopiji, kandidati su dužni priložiti „Program rada i razvoja Zavoda za javno zdravstvo Federacije BiH“ u narednom četverogodišnjem razdoblju, kao i životopis.

Kandidat koji bude konačno imenovan za ravnatelja Zavoda za javno zdravstvo Federacije BiH je dužan u roku od 30 (trideset) dana od dana imenovanja dostaviti liječničko uvjerenje/dokaz o zdravstvenoj sposobnosti za obavljanje poslova pozicije za koju se kandidira (original, ne stariji od 3 mjeseca).

VI. Rok za podnošenje prijava

Rok za podnošenje prijava je 15 dana od dana zadnje objave oglasa.

Prijava sa potrebnom dokumentacijom (u zatvorenoj kuverti) se podnosi izravno na protokol Zavoda ili preporučeno putem pošte na adresu:

Zavod za javno zdravstvo Federacije BiH, Ul. Maršala Tita br. 9, 71000 Sarajevo, sa naznakom „Prijava na javni oglas za izbor i imenovanje ravnatelja“- NE OTVARAJ.

Neblagovremene i nepotpune prijave neće se razmatrati.

VII. Objavljivanje javnog oglasa

Integralni tekst javnog oglasa će se objaviti na web stranici Zavoda: www.zzjzfbih.ba., dok će se sažetak javnog oglasa objaviti u dnevnim novinama „Oslobođenje“ i „Večernji list“, te u „Službenim novinama Federacije BiH“.

VIII. Ostale napomene

Nakon završene procedure izbora i imenovanja ravnatelja, prijave i dokumentacija će se vratiti kandidatima koji su aplicirali na javni oglas, na njihov zahtjev.

Osobni podaci o kandidatima koji su se prijavili na javni oglas su tajni i mogu se prikupljati i obrađivati samo u skladu sa odredbama Zakona o zaštiti osobnih podataka („Službeni glasnik BiH“, br. 49/06, 76/11 i 89/11).

U roku od 30 (trideset) dana od dana donošenja odluke o imenovanju ravnatelja, svi kandidati će pismenim putem biti obavješteni o odluci o imenovanju ravnatelja.

Zavod za javno zdravstvo Federacije BiH
Ul. Maršala Tita br. 9, 71000 Sarajevo